

荊州駐防八旗志

荊州駐防八旗志卷三

勅諭

乾隆五十三年七月二十六日

奏現在荊州被水甚重皆由隄工不固所致因該處隄工
向係民修並不報部覈銷是以一面諭令阿桂等查明辦
理一面令軍機大臣查各省此等民修各工向俱是否報
部茲據直奏各省修濬隄河等工有借項里民自行經理
並不造冊送部者有借項官爲經理工竣造冊送部備案
者亦有借項造冊具題覈銷者是各省民修之工並非全
行報部覈銷章程本不盡一立法未爲妥善修濬隄河等

工原爲保護田廬疏消積水起見向係民間修理者原不便遽動官項且各處隄工甚多豈能一一官爲修理但因係民修之工竟不立定章程報部覈估僅令官爲經理則外省官員於官工尙思侵刻肥已矧工程例歸民修者並無保固查銷不肖官吏等不特於需費之外可以藉端加倍洒派入其囊橐而且草率從事偷減侵漁均屬事所必有該管上司又因向例民修遂爾漫無覺查工程豈能示資鞏固幸而各處隄工尙安穩無事是以從未覺察現在荊州護城隄潰決至二十餘處之多卽其明證豈可不嚴定章程令其一並報銷保固嗣後民修各工除些小之工

無關緊要者仍任民間自行辦理外如係緊要處所工程
在五百兩以上者俱著一體報部查覈予以保固限期興
修後再行酌令百姓出資歸欵各工既有查覈承修各員
自必有所顧忌不敢任意從中侵刻且有保固限期亦自
不敢草率辦理庶工程可期久固而閭閻不致有被淹受
害情事此正係朕爲保護民生節省民費起見各督撫務
宜仰體朕意遇有民修之工妥爲辦理嚴加查覈報部如
有仍前任令屬員從中尅扣草率從事之處經朕訪聞或
經科道添奏百姓告發不特將承辦各員從嚴辦理必將
該督撫一併從重治罪著爲令欽此

乾隆五十三年七月二十九日

諭據舒常奏荊州此次江水漲發因萬城隄潰決以致郡
城被淹與害金灘無涉等語可見荊州此次被淹尤重總
謂隄不固所致因閱所進圖內郡城江面迤西有沙洲
一道距現決隄工不遠或江水至此爲其所逼北趨以致
潰決亦未可定但該洲長二里寬一里勢不能全行剷除
或於洲尾酌量開挑引溜南趨或酌建挑水堤挑溜往南
俾隄工不致著重卽如江南陶莊自開挑引河後引溜北
趨清口得免倒灌此阿桂之所稔知者著傳阿桂到彼後
即詳細展勘將龍洲一帶江水至此是否爲其所逼及是

否可以設法辦理之處卽行妥議具奏不必泥於遵旨但此次江水直衝入城究由隄塍不固在在潰決以致成此大災現在自以堅實修築隄工爲要屢有旨諭知阿桂等矣本日據舒常奏請將萬城隄通行加高培厚再於龍洲尾玉路口二處加築挑水磯頭逼湖南趨似可無虞水患等語舒常所奏是否可行之處著交阿桂一併履勘詳查議奏將此由五百里諭令知之舒常摺圖俱著發交阿桂閱平允_詞舒常知之欽此

乾隆五十三年九月初一日

上諭據阿桂奏查勘荊州被水情形一摺內稱荊州水患詢

之該處官員兵民人等咸以窖金洲侵占江面漲沙逼溜
爲言且言不自今日始經阿桂等親往履勘屬實並查有
本地蕭姓民人於雍正年間至乾隆二十七年陸續契買
洲地種植蘆葦每年納課因貪得利息逐漸培植每遇洲
沙漲出蘆葦即環洲而出阻遏江流沙面漸闊江面卽愈
就窄狹是以上流壅高所在潰決等語窖金洲漲沙逐年
增長侵占江面逼流北趨以致郡城屢有潰決之事其受
病之源實由於此該處官員兵民人等眾口一詞且共說
相傳已久該督撫等經四十四四十六兩年兩次被水之後
仍不留心查察置若罔聞並同聲贖所司何事又蕭姓

置買洲地種植蘆葦弃利肥家已非一日此項洲地原因
沙漲而成何得謂之祖業必係爾時蕭姓賄求地方官薦
認輕租所得耳現在荊州被水數萬生靈感受其害情節
甚屬可惡現飭令阿桂等將蕭姓家產查抄並交刑部按
律治罪至該督撫等平日於此等關係民生之事何以竟
置不問除特成額諸事闖蕩廢弛業經查抄家產現已降
旨將伊革職拏問外至舒常才具本屬中平因其小心謹
慎且係大學士舒赫德之子是以屢加擢用至總督乃伊
兩任楚省並不實心任事感激圖報於荊州害金洲漲沙
逼淄共見共聞之事尙不加意體訪隨時籌辦致郡城被

水成災爲數十年所未睹實屬辜負任使舒常著革去翎
頂仍留工所効力贖罪李封係曾經獲罪之人經朕乘瑕
錄用簡擢巡撫在任時並不加倍感奮於地方要務視同
臍外其咎甚重李封前經降旨將伊解任亦著革去頂戴
留工効力贖罪至姜晟到楚已及一年於地方利病豈得
諉爲不知亦著革去頂戴姑念其平日辦理刑名尙爲熟
悉仍著加恩督理刑部侍郎所有此次荊州堤工加高培
厚各土方及府縣漂失倉米並著阿桂等查明厯任督撫
藩司及該管道府等分別著落賠補以示懲儆至荊州窖
全湖漲沙逼溜由來已久該處蕭姓民人種植蘆葦起至

雍正年間不特彼時在任督撫難以查考卽乾隆四十年以前歷任各督撫事隔多年亦難悉心查辦前經降旨令阿桂等查明以十年爲限非於十年以來督撫等有所偏重卽如楚省匪賊日漸加增而近年督撫等所得尤厚前舒常來京陛見經朕面加詢問伊亦不敢不據實承認舒常係小心謹拘之人是以經朕詢問不敢欺飾且伊尙不能不從中染指則此外各督撫不問可知是此案卽將近年之督撫等從重懲徵於伊等亦無所委屈朕辦理庶務一秉大公固不肯以事經年久令後人獨任其咎而於輕重權衡務求平允卽令伊等捫心自問亦當無所置喙也

將此遍諭知之欽此

乾隆五十三年九月初二日

上諭據阿桂等奏荊州郡城屢被水患因郡治下游江內有害金洲一道侵占江而漲沙逼溜而本地蕭姓民人於雍正年間至乾隆二十七年陸續契買洲地種植蘆葦每年納課蕭姓貪得利息逐漸培植每遇洲沙漲出蘆葦卽環洲而生阻遏江流以致上游壅高所在潰決等語已令阿桂等將蕭姓家產查抄並交刑部按例治罪矣各省民田業售與乙姓皆在所不免今害金洲因沙漲而成何得謂

蕭姓之祖業此必係奸民見江中漲出洲地墾種可以獲利藉升科爲名納租認種其交官者不過數百分之一而地方官吏亦必得其利賄其餘盡飽奸民之慾壑一經具呈地方官因愛其賄求遂罔顧利害代爲曇混具詳而督撫等漫不加察率准題達任令據爲已業弁利肥家而奸民因報官有案又貪利不已逐漸培植以致蘆葦環洲而生阻遏江流衝決隴陸城郭以致數萬生靈咸受其害造孽其深信節實屬可惡現將蕭姓查抄治罪實不爲枉但小民權利是圖止期益已不顧損人亦不特蕭姓爲然卽如黃河之外灘以及西湖淀河山東江南湖陂等處百姓

私佔耕種者甚多屢經曉諭飭禁而奸民貪圖利息地方
官吏又思從中分肥並不實力查禁任令開墾居住與水
爭地或藉口升科輸納少許一經濱決不特附近居民咸
遭淹浸而修築撫綏靡帑倍耗於國計民生均無利而有
害特傳諭各督撫嗣後凡瀕臨江海河湖處所沙漲地
除實在無關利病者無庸查辦外如有似害金洲之阻道
水道致有堤工地方之害者斷不准其任意開墾妄報升
科如該處民人冒請認種以致釀成水患卽照舊往之例
嚴治其罪並將代爲詳題之地方官等一併從重治罪決
不姑貸欵此

乾隆五十三年九月初二日

上諭湖北荊州等金洲地方漲沙逼溜瀉姓民人貪圖洲地利息種植蘆葦壅遏江流致郡城被災甚重該省督撫平日於此等關係民生要務置若罔聞視同僥幸外業經降旨將該督撫等分別拏問罷斥示儆至陳淮係現任藩司於地方利病並不留心體訪預行籌辦咎無可辭本應同舒常等一併革任第念該藩司前因馳赴長陽查勘水勢及回至荊州適值該郡被水該藩司卽督文武各員上緊紮筏顧見船隻分載被淹人口并辦理一切撫卹事宜尙屬認真不辭勞瘁除該郡堤工應賠銀兩俟阿桂等查奏著

落分賠外陳淮著加恩仍留藩司之任免其革去頂戴從寬改爲革職留任八年無過方准開復欽此

乾隆五十三年九月二十二日

上諭據阿桂等查抄荊州府蕭姓民人家產請將勒休都司蕭夢鼎一併革職解部治罪一摺內稱訊據蕭逢盛供害金潮是伊祖父於雍正七年起至乾隆二十七年止陸續買自石首縣民人王齊葉張楊五姓的等語各民田廩舍俱有管業之人始准其輾轉售賣今江心漲出沙洲自係官地無論何姓皆不得據爲己業若云蕭姓所墾洲地買自王齊葉張楊五姓則此五姓民人又因何敢私佔官地

奏係姦民見江中漲有沙洲認種可以獲利遂藉詞升科
至請開皇而地方官受其賄賂因而准行既據藉逐盤供
候伊祖父於雍正七年起至乾隆二十七年止陸續買自
王青梁張楊五姓雖雍正年間閥時已久而契冊可以調
查皆金淵乃係官地該五姓民人因何准其私相售賣抑
係此五姓從前又向何姓轉買實在起自何時亦無難逐
一清查著阿桂畢沅務將此項洲地係何姓始行私佔開
墾何時地方官得其賄賂准令私佔之處再行詳細確查
據實具奏至前令阿桂等將蕭姓家產查抄者原因密金
湖逆處江心逼東溜勢而蕭姓一味漁利於洲上多種蘆

葦以致濁蔓環生沙洲不能刷勤日漲日寬逼溜北趨衝決隄塍淹斂數萬生靈皆伊一家貪利貽此鉅害此而尙令坐擁富厚何以示懲儆而慰輿情現據阿桂等將伊家產查封具奏但此項查出財產不可照例入官著阿桂等卽分別估變畱於該處以抵工賬之用使爲富不仁者知所懼戒欵此

乾隆五十四年四月初七日

正雨畢沅奏荊州郡城水津門外逼近護城河萬城堤正在城之西面上年江水漫漲該處適當頂衝請停止補建查西門是佛第地方設有水溝爲宣洩西南各水之所於乾

乾隆二十一年後被民房阻塞現已查明舊時溝形仍飭疏
通儘可宣洩積水等語所辦好是佛第一帶水溝向爲宣
洩積水之路乃被居民分占阻塞現經畢沅查出疏通但
恐日久弛懈居民又復漸行侵占不可不永行禁止著傳
諭畢沅卽交地方官立碑嚴禁並時刻留心查察毋許附
近居民在彼搭蓋房屋如有仍前占住以致阻礙水道者
惟該地方官是問其另摺奏修廟宇考棚之處亦所應辦
已如議行矣將此傳諭知之欽此

乾隆五十四年十一月初九日

上諭畢沅奏建築郝穴鎮碎石墳工及潛江縣易家拐補築

隣塍一摺江流浩瀚向無施工之事而沿江一帶隴塍百有餘年並未有工卽云此項工程係民修但旣借帑墊辦仍須按糧攤派小民生計有常豈能於額徵之外復有增加且江堤工作此項旣令民爲經理立有成規則每年必須循例歲修所有工價錢糧雖據奏公舉誠實紳耆專司收放但督率稽查仍不能不假手於官吏其中難保無勒索扣剋情弊是衛民之事轉以累民殊非惠愛閭閻之意此次畢沅所奏應修各工旣爲保護郝穴鎮市及江陵等縣城垣起見著交軍機大臣速議外嗣後沿江一帶隴塍有實在關係民生應行修防各要工方准據實奏明

候旨遵辦其無關緊要者不得藉詞民爲捐修溫添工作
以啓官吏派累浮銷之弊將此傳諭知之欽此

乾隆五十九年九月二十四日

上諭據永慶等奏協領札明阿因病休致一摺內稱將札明
阿履歷造具清漢冊咨送兵部等語此等履歷冊內話語
無多卽書寫清字咨部自無不識之理現因各省駐防溝
洲漸染漢習正當整飭之時此等無關緊要檔刑事件若
兼書漢字日久尤易染成漢人習氣著交各省將軍大臣
等嗣後此等事件卽造清字冊不必兼書漢字欽此

嘉慶元年十二月

前因八旗官員內有興王公大臣等同名者曾經降旨仍令該都統等另行更改該都統等自當留心察查乃昨日
所領引見之世職人員內有鑲白旗滿洲承襲騎都尉摺
正之馬甲札拉豐阿鑲紅旗滿洲承襲雲騎尉摺正之護
軍領音保鑲藍旗滿洲承襲騎都尉摺正之佐領台布均
與哈喇沁郡王職銜札薩克貝勒御前大臣札拉豐阿公
爵音保侍郎台布等同名該都統等卽素未留心其帶領
引見之前豈家譜亦不經目耶殊屬疏玩所有鑲白旗滿
洲都統福安副都統愛興阿富俊鑲紅旗滿洲都統定親
王綿恩副都統布顏達賚多永武鑲藍旗滿洲都統成親

王永理副都統永琪俱著交部查議外將此再交八旗嗣後務須各宜細心察查看有與王大臣等同名俱著更改倘仍復如是將該都統交部查議欽此

嘉慶四年五月初二日

上諭各督兵丁月餉原藉以養贍家口不得絲毫攤扣乃開各營於差使盤費俱扣通營兵餉卽同文員扣養廉相似文員之養廉豐厚尚不可扣況眾兵月餉幾何忍心扣取以致伊父母妻子啼饑號寒而欲使之盡力操練豈可得乎又提鎮等查閱營伍時亦於餉內攤扣費用兵丁等養賄無資或在外兼習手藝訓練生疎營伍廢弛所關非細

著各督撫提鎮嗣後兵丁差使盤費俱當於各營留存公
項內籌撥不得攏扣月餉並嚴禁一切酬應私費倘敢陽
奉陰違一經發覺必從重懲治再各營佔役兵丁之等前
因步軍統領衙門各員私用步甲曾降旨令各省通行飭
禁再在京都統等衙門跟班馬甲亦曾諭令不得過二人
等外督提鎮以下將在伍之兵任意役使甚至以工匠人
等亦令食糧以致採防反局虛名而兵丁竟成虛設並著
各督撫提鎮查明嚴禁以肅營制而昭覈實務期久遠實
力奉行欽此

嘉慶五年三月二十七日

上諭惠齡奏本年奉旨查閱陝甘營伍事宜自入春以來各省各營將備紛紛呈請告病乞休殊涉規避現經咨會署提督蘇甯阿就近查明分別參革治罪等語向來軍政之準不准告病原以杜武員規避之漸其奉旨查閱營伍年分事關考覈卽與軍政無異該營員如果自揣老病何不及早呈明必待臨時始行具報其懶惰規避情節顯然若不明定章程無以整肅戎政所有此次甘肅省告病乞休各員暫照該督所奏交署提督蘇甯阿就近調驗分別認辦不可稍有贍顧嗣後各省凡遇奉旨查閱營伍之年均着照舉行軍政之例不准告病乞休違者照例叅辦着

爲令欽此

嘉慶五年三月二十七日

上諭
欽定
恭閱

臣等謹將宗純皇帝實錄叅領金珩奏請將各省駐防滿洲蒙古兵車官弁子弟於歲科兩試令該將軍考試馬步箭卽送附近府院考取一事

皇步欽遵

臣等謹將旨以駐防弁兵子弟有能讀書向學者聽其來京應試若悉准其在外應考則伊等競尚虛名必致騎射生疏操演怠忽將來更有何人充駐防之用將該叅領甲飭事

未准行仰見我

皇祐

至考膚慮周詳誠恐駐防兵丁專習文藝致弛武備再三申
諭意至深遠因思上年通恩條奏駐防事宜一摺內稱請
令各處駐防旗人另設學額就近考試入學再聽赴京鄉
試等語彼時朕尙未恭閱

實錄所載此條卽交軍機大臣議奏准行蓋因各處駐防兵
丁較之雍正乾隆年間生齒增倍而披甲名糧例有定額
概令食糧當差則人浮於缺勢有所難若徒手嬉遊毫無
所事必至習於非義其有能讀書向上通曉文義者如必

令遣赴京師應試資斧又恐不濟是以准其就近應歲科試以廣進取之階我滿洲根本騎射爲先若入旗子弟專以讀書應試爲能必將輕視弓馬怠荒武備殊失國家設立駐防之意嗣後各省駐防官弁子弟不得因有就近考試之例遂荒騎射本業着該將軍都統等通行飭諭各官弁等訓課子弟以騎射爲首務其攻肆舉業者仍當嫻習騎射務臻純熟以仰副

皇祖

皇考教育八旗誦誦垂訓及朕多方造就之至意將此遍諭知之欽此

嘉慶五年七月十八日

上諭據宋澍奏新例駐防旗人另設學額上年通恩原奏將新進生員歸入府學約束但各學敎官於清語騎射皆不通曉令其敎導轉屬無益等語所奏尙是所有駐防新進生員卽著照所請交該佐領約束於清語騎射加意訓習其月課文藝則交府學閱看各省駐防俱一體遵行欽此

嘉慶五年十一月二十二日

旨據弘豐奏荊州滿營所積協領等官各缺因屢次軍營奏補人員均未論翼補放今兩翼所出各缺難以循例辦理請照福建駐防不按翼旗通融擬補一摺所奏自係實在

情形著姑淮所請軍務告竣後不得援以爲例摺併發該部知道欽此

嘉慶八年

旨

永陵

福陵

昭陵

幸陵

永陵

福陵

裕陵各清語均非臣下命名所應用者著交八旗令現任大臣內有以此等清語命名者著自行具奏更改官員兵丁內如有以此等清語命名者卽著呈明該管大臣更改嗣後八旗臣僕俱不得以此等清語命名所有黑龍江副都統衙總管色爾袞原賞之巴圖魯名號著改爲強謙巴圖魯欽此

嘉慶十年正月初二日

上諭每年十二月中各省文武大員及新疆各等處駐紮之將軍大臣等均有恭賀元旦奏摺自應以時呈遞乃上年各處所奏賀摺遲早不齊有十二月初旬卽經呈遞者其

最遲者則有松筠興兆富色鏗額景畊等於除夕由驛遞到而蘿端多爾濟等直至元旦始行奏到當經批閱又別無陳奏事件竟係專爲慶賀請安特行馳奏豈不徒勞驛站乎各省及新疆等處地方到京程期均可按日而計何難於發摺之始預爲籌及至新疆等處本應於奏事之便附摺慶賀何得以元旦新禧一摺專發驛遞實屬太不曉事松筠興兆富色鏗額景畊蘿端多爾濟玉衡著傳旨申飭嗣後外省及新疆各等處具奏慶賀元旦之摺著於十二月初十以後二十五日以前爲率總於此半月內一律遞到毋得前後紛歧有乖體制將此通諭知之欽此

嘉慶十年六月二十七日

上諭國家設兵按名給與月餉原欲贍養其身家俾得一心肄習武藝咸成勁旅凡有統轄營伍之責自當潔已率屬愛養兵丁使之生計裕如方可隨時訓練整飭戎綱若將兵丁等應得餉銀等項侵扣短發則該兵丁等溫飽無資謀生不暇卽修整弓箭餽養馬匹力皆有所不給又安望其精銳騎射奮勉操防營伍廢弛大率多由於此卽如晉省營兵向屬平常此次大同鎮總兵恩承阿被人控告經朕特派佛爾卿額前往查辦茲據奏到查出恩承阿自嘉慶四年以來果有刻扣各營馬乾銀兩自行花費之事查

其任所資財銀數已有逾萬似此脅削營私則兵丁日形拮据無怪其技藝生疏卽操防亦不得力總兵專閫大員乃致貪贓無厭敗壞營伍至於此極實屬可恨設非伊畏罪自盡必當提解來京朕卽不親加廷訛亦必特派大臣覆約刑杖榜閱立置重典今雖幸逃國法是以降旨將伊子博陵革職遣戍並令該旗查明此外有無子嗣具奏誠以貪墨之員不可不大加懲創以儆官邪晉省此案既經查訐得實各省營伍中此等侵肥尅扣情事恐亦在所不免但朕不爲已甚此時不肯紛紛查究特此明白宣諭各該將軍都統督撫提鎮等惟當以恩承阿爲望督率將領

清白白矢力除惡習有則改之無則加勉倘經此番訓誡
之後仍復尅減私肥等事將來一經查出必當從嚴治罪
決不姑貸現在提鎮大員多係身歷戎行著有勞績經朕
特加程用之人若果知自愛感激恩施正當教養兵丁以
圖報効設改撫貪婪疑蹟昭著則孽由自作朕卽欲曲爲
保全而不能豈不前功盡棄耶凜之慎之至督撫於本省
提鎮等每遇年終出具考語密奏原因封疆大吏足資倚
任視其註考之優劣以備甄別之權衡尤應慎重敷陳期
於核實乃如恩承阿之貪劣不職該撫同興上年出具考
語時稱其熟習營伍謹慎小心已屬不然同興到任未

久或有不能洞悉其人至伯麟久任晉撫於恩承阿每年
侵扣兵餉一事自必有所見聞乃屢次出具考語尙稱其
爲人老成操守尙好卒屬公正實能整飭營伍豈非於恩
承阿平日居官行止適相背謬尙何足憑信乎現已降旨
將伯麟交部嚴加議處用示懲儆嗣後各該督撫於出具
密考時務當確加體訪秉公據實奏聞不可稍存徇庇市
恩之見倘於劣員濫註上考一旦別經敗露必將該督撫
等一併治罪將此通諭知之欽此

嘉慶十一年十二月二十三日

上諭德楞泰等奏酌議陝甘各標營內於弓箭兵內挑十分

之二兼令習矛製造丈尺有定不得過長每諭一折各
軍器以弓箭鳥鎗爲重必當操演精熟以昭武備至長矛
一項祇係挑刀鰲牌等雜技中之一前因河北鎮總兵蔡
鼎奏請於弓箭兵丁內酌派十分之二兼習長矛曾諭令
各省營制酌定額兵演習因思長矛究非營伍緊要技藝
兵丁練習弓箭鳥鎗外兼習其技以資刺擊原無不可若
因演習長矛於弓箭鳥鎗轉致生疏殊屬輕重失宜非所
以節戎器而謂武備也且矛桿過長於運用不靈尤不足以
資擊刺若云深林密箐長矛較爲便利則更無此理嗣
後各省營制訓練卒伍總當以操練弓箭鳥鎗爲正技長

矛止可令其兼習並着於額兵內祇酌定十分之一不許過額其製造長矛不得過一丈如有違式製用者經該管大臣查出卽嚴行懲治並將該將領一併叅處將此通諭知之欽此

嘉慶十八年六月

各省駐防官兵子弟准其於本省就近考試入學因鄉試心切來京道途遙遠者每以艱於資斧裹足不前現在駐防旗人並議准就近應武童試嗣後各省駐防子弟入學者卽令其於該省一體應文武鄉試於造就人材之道益爲有益其如何編號定額取中之處著禮兵二部妥議

具奏欽此

嘉慶二十年五月初五日

上諭朕親製文武官箴十六章頒示中外本日據王大臣等
具摺謝恩此仍不過循照向來會謝恩賜成例所謂具文
並朕所望於諸王大臣也朕求治理惟日孜孜近見內外
各衙門奉行故事漸就因循是以各按諸臣職業所司敷
言申儆原欲爾諸臣觸目警心躬行實踐若徒爲頌言不
思勤修庶事仍於政治奚裨天下之事不外以誠爾諸臣
惟在實心實力無欺無隱則以誠事君自能視國事如家
事不敢稍自遷逸近有各衙門延擋公事者一經詰問輒

凡事小不敢煩勞聖心爲詞朕日理萬幾從無憚煩之意
諸臣藉圖自便乃託爲仰體之說豈知林木成於芽蘖江
河始於細流若慎之於初則防維甚易惟因循日久寢益
懈怠迨至叢脞已成起衰振頽其煩勞益甚國家熙績充
工天下之大萬民之眾非一人所能獨理諸臣膺股肱心
膂之寄其各早作夜思靖共爾位以期納紀整飭庶事修
和賡登屢兆寰宇敕甯朕與諸臣共享承平之福實所厚
望焉欽此

嘉慶二十年十月十一日

上諭恒寧等奏調劑駐防兵丁一摺荊州駐防八旗除現有

甲糧及幼丁外尙有閑散大丁二千一百餘名暫不征派
不敢挑補加恩著照所請准其於發商生息馬價現今徵
存息銀四萬一千四百餘兩內提出銀四萬兩再行發商
仍以一分生息同原經發商生息銀五萬六千兩共九萬
六千兩將每月所得息銀九百六十兩隨餉撥解滿營交
該將軍等在於駐防八旗閑散大丁內挑選材堪造就者
九百六十名作爲餘兵每名每月各賞支銀一兩以資養
贍其餘存息銀著該督撫查明實在數目造冊報部查核
仍貯該省藩庫備用該部知道欽此

嘉慶二十一年二月初五日

上諭向來各項引見人員內有大員子弟皆不聲明朕無由知悉逮簡用後其父兄具摺謝恩朕始知之嗣後無論京察軍政及京外各項引見人員內凡滿漢文武二品以上大員之子弟俱着自行呈報引見時於綠頭箋內註明如有漏報者查出交部議處欽此

嘉慶二十一年十一月初十日

上諭先福奏覆實取中駐防武舉一摺所奏是鄉試考取武舉必須馬步射與弓石俱能合式者方准取中各省駐防應武鄉試之人馬步射素所練習合式者多於弓石鮮能合格若一概送考不能取中未免徒勞往返嗣後設立駐

防省分凡遇鄉試之年著該將軍都統副都統城守尉等
司應試各旗武生及前鋒等均先行認真甄別其馬步箭
與弓石俱能合式者方准錄科送考其不合式者卽行駁
退毋庸錄送以昭嚴實欽此

嘉慶二十二年六月二十四日

上諭巴哈布奏請飭各省營伍講習紀律一摺國家設立營
伍訓練兵丁原應講明紀律俾各有勇知方若但演習技
藝而於殺敵致果之義不能曉然於心一經親厯行陣或
退縮不前卽平日技藝精良亦徒爲虛飾而鮮實用凡有
將帥之責者平日教演兵丁卽當明白曉諭以兵法有進

無退臨陣退縮者國有常刑奮勇捐軀者卹及後裔况果
敢直前成功者多而夷傷者少若怯懦奔逃軍法殺無赦
無一能苟免者是與其死於法何若死於敵死於敵者百
世流芳死於法者罵名千古使兵丁習聞此言人人心知
大義則勇敢倍增節制之師自莫非干城之選矣至技藝
亦必時加訓練近閱外省摺奏操演兵丁情形率舉春秋
二操有云夏令兵丁多務農功恐妨其耕作者此言大誤
古者寓兵於農是以三時務農一時講武今兵農判爲兩
途取賦於農以贍兵卽藉兵入伍以衛民若仍以耕耨而
誤差操豈非虛糜糧餉嗣後各將軍督撫提鎮等督率將

弁所轄兵丁常川練習不可稍有曠廢以肅軍紀而勵戎行將此通諭知之欽此

道光元年十月

硃諭朕恭閱嘉慶五年

聖考仁宗睿皇帝實錄內載國家設兵原以衛民全在平時操練方能得用第承平日久文恬武嬉各營伍將弁往往自耽安逸竟不以操練爲事而該管上司又復不加察查以致日漸廢弛著該督撫提鎮務須隨時認真操練使之技藝嫻習悉成有用之兵以飭營伍而重巡防等因欽此仰見我

聖慮深遠有備無患之至意因思我朝開創之初八旗軍鋒所指無不克敵制勝厥後統一寰區武功者定外而各省亦俱建立營伍分防駐守鉅法良規盡美盡善溯查乾隆年間西陲用兵兩金川平定八旗勁旅最爲得力人才亦復輩出此後嘉慶初年三省教匪滋事全賴

聖謨廣運克奏膚功八旗官兵打仗出力者固不乏人究未能全數收其實效如昔日者也皆由管領敎練之人平時漠不關心因循懈弛坐令國家有用之兵日就荒廢深爲可惜更堪忿恨如健銳火器兩營操練本屬認真遇事亦能得力然近日風氣亦不逮從前遠甚至於前鋒護軍諸

營亦非從前可比而滿蒙漢二十四旗之兵更難過問矣
雖一切情形不能與健銳火器兩營並論然亦不可藉此
推諉視爲具文甘爲廢棄其東三省官兵原屬驍健乃根
本之地更不可稍形荒廢嗣後該管王大臣等務須遵照
舊規加意操練何人某項技藝優長何人馬上最爲嫻熟
全在平日留心分別記憶或隨時量加鼓勵或陞轉秉公
授擢總在該管之人不辭勞瘁公正乃心方能漸收實效
用鞭督規若不實心經理經朕看出或因事顯露朕惟該
管之人是間勿謂教之不豫也至各省駐防以及綠營兵
弁原屬強弱不一强者固不可日漸廢弛罷軟者更不可

不勤加操練著飭知各省將軍督撫提鎮等嗣後必應力返積習加意訓練破除情面舉黜公平於常練之外每日應如何操練之處著各該將軍督撫提鎮等悉心定擬不必會銜一一明白回奏候朕定奪旣經此次奏定之後務要實力而行不可徒作空言亦不可過於苛細務期一日有一日之功一兵有一兵之用若不實心操練仍視爲泛常經朕覺察或隨時看出決不寬恕用副朕安不忘危保衛民生之至意將此通諭中外知之特諭

道光二年閏三月十二日

上諭編齡等奏查明抱養民人之子冒入旗籍分別辦理一

招荊州駐防入旗滿洲蒙古現據查明旗人抱養民人之子爲嗣共官兵四百十員名旗人過繼旗人爲嗣共官兵四十一員名經該將軍等分別辦理外內有本身出兵立功官十一員兵五十一名及其祖父出兵陣亡著有軍功之子孫官三員兵一百七十三名荊州向無漢軍旗分前准其照乾隆四十一年辦理穆圖克興祿成案作爲另戶滿洲其曾經出兵並未打仗官一員子孫三名祖父曾經出兵並未打仗之子孫四名亦准其歸入著有軍功官兵內另冊註明及身而止至防禦兼雲騎尉特圖恩雲騎尉廣升其父兄等固出兵陣亡與別項世職不同均著准其

承襲無庸另行辦理協領圖塔布曾經出兵受傷得有功
牌准其作爲另戶仍留協領本任該將軍仍嚴飭八旗協
領等隨時留心詳查實力奉行務期經久無弊欽此

道光二年四月

上諭近來京外各官遇有升擢皆於召見及接奉批摺後始
換升銜頂帶本非舊制嗣後京外陞任人員京官俟奉有
諭旨外官俟接到部文後著卽換用陞銜頂帶欽此

道光二年五月

在京各旗營軍政前經大學士軍機大臣會同八旗都統
該議章程覈實考驗各省駐防軍政自應畫一辦理着照

兵部所議嗣後各省駐防旗員有年逾六十以上不能騎射者俱不准保列卓異其精力尚健弓馬娴熟或曾經出兵著有勞績或實心經理營務仍由該管大臣出具切實考語保薦另冊聲明給咨赴部引見如年力衰邁卽歸入計典內勑叅若年齒雖老精力未衰由該管大臣詳加查驗秉公甄覈專摺奏請留任著爲令欽此

道光二年十一月三十日

上諭綿飴等奏請動撥銀兩備賞兵丁一摺荊州駐防滿營兵丁生齒日繁紅白事件較多賞項不敷備用著湖廣總督卽由藩庫撥餘銀二千兩作爲賞需照例報銷該部知

道欽此

道光六年十月

著從前伊犁等處協領年滿後果能奮勉人去得堪膺簡用或僅勝協領之任不堪簡用者均由該將軍等分別出具考語送部引見至各省駐防協領年滿送部引見亦應照此辦理著交各省將軍都統副都統嗣後各駐防協領六年十二年期滿送部引見時或人去得堪膺簡用或僅勝協領之任者俱分別出具切實考語一併咨部不可稍涉欺罔如該協領等記名補用後倘才力不及不能勝任或擅守平常并犯私罪惟原保之人是問決不寬貸欽此

道光六年十一月初十日

上諭本日那彥成奏查閱省標營伍據稱馬兵騎射可觀步
箭弓六力八力不等所奏尙爲核實近來各省奏到閱伍
情形多填寫十力十二力弓均不免綠營虛習朕早覺其
不實如東三省官兵挽強命中者不少經朕目覩未見有
開十二力步弓者卽間或有之亦不過百中之一二豈能
比比皆然嗣後各省將軍都統督撫提鎮等隨時督率訓
練務期精熟咸成勁旅至弓力不拘六力八力總以中多
爲上自能一律嫻熟不在浮報弓力轉致有名無實也將
此遍諭知之特諭

道光六年十一月二十二日

上諭兵部議覆那彥成奏請將駐防滿洲閑散倂照巡捕營之例挑補綠營兵弁一摺各省駐防閑散勿論滿州蒙古漢軍俱准其入綠營挑補馬兵洵可藉此疏通而資造就體定伺之始必須兩手限制著於該駐防同城及附近營分遇有馬兵開革事故與該營戰守兵一體校閱技藝挑補不得過本營十分之二毋庸與通省兵額合計至考拔亦無惟當以弓馬勞績爲定不必復行區別其由旗咨送時咸准將年壯閑散情願赴挑者驗送不得有強派勒捐苟妄挑入綠營之後所有訓練約束及陞轉降革各事均

由該管將弁照綠營章程一體辦理如有滋事干涉地方者亦照綠營例交地方官懲辦如該駐防同城及附近標營分馬兵額缺較少該閭散有願挑戰兵守兵者亦准送挑俱不得過十分之二仍著駐防省分各督撫會同將軍都統副都統妥議章程奏咨以期經久欽此

道光七年閏五月二十三日

上諭嗣後旗人取名不准連用漢文三字其現在取名未協者亦即一體飭改欽此

道光七年十月初七日

旨清語騎射係滿洲根本人各應習各省駐防人等原由京

城分撥滿洲非綠營可比亦應一體學習清語今廣州將
官慶保等具奏軍政官員分別辦理一摺繕寫漢字而請
聖諭一摺亦寫漢字綠何廣州駐防官兵五千餘人竟無一
人識清字者慶保等於照例事件亦任意繕寫漢摺竟染
漢人習氣實屬可笑若不整飭因循遺失滿洲舊習該將
軍所司何事甚屬非是慶保巴杭阿花沙布俱着申飭着
傳諭各省將軍副都統等嗣後如係人命訟獄事件及錢
糧數目報銷繕寫漢字尚可滿營照例應辦事件俱着繕
寫清摺各省將軍副都統等仰體朕意將所管滿洲官兵
使各學習清語騎射斷不可沾染漢習有失滿洲規矩欽

此

道光八年六月十七日

上諭國家建立營伍修明武備全在平時訓練精熟方能得用惟承平日久各省駐防綠營將弁不免自耽安逸諸多廢弛各該管大員果能竭力整頓隨時認真操演自能使營務日有起色着通諭各將軍都統督撫提鎮於駐防綠營將弁士卒督率練習務期一日有一日之功一兵有一兵之用斷不可任其委靡不振無裨職守經此次訓飭之後倘不痛懲惡習實心振作以致兵力漸形軟弱經朕覺察定將該管大員勿論現任歷任一併從重治罪決不寬

欽該將軍督撫等身受重恩其加意策勵簡練精嚴以副
整飭戎行諳諳誥誠之至意併着將此旨各錄一道實貼
衙署或教場俾觸目警心日久無懈欽此

道光九年三月

旨管理值年旗王大臣等覈議富俊陳奏旗營設立官弓統
較弓力揀選議請挑缺時仍視其箭之中靶與否以爲去
取並稱不得以專開勁弓便爲合式不知挽強而不能命
中固難取錄若祇能命中而弓力過軟亦豈旗營儲才本
意所議皆一片畏難討好之心巧爲駁斥忘本偷安不思
振作且於設立官弓何以難行並未明白聲敘殊屬含混

著仍交該值年旗另行妥議具奏嗣後各項侍衛及各旗營練習技藝選拔官兵總期挽強命中不得偏廢倘該員弁等於引見及校閱時經朕察出弓軟技庸者除將該官員兵丁卽行斥革外並將該管大臣嚴懲不貸欽此

道光九年四月十五日

正諭觀喜等奏請將損壞礮位照式改造抬礮一摺荊州滿營額設礮位年久半皆損壞該將軍查明不堪應用者二十位請倣照直隸式樣改造抬礮四十位所需鎔鑄工費著照所請於滿營獎賞項下動撥製造歸於年終聲明題銷此項礮位旣經改製務須堅固如式該將軍等督同勤

加操練悉臻純熟勿稍怠玩該部知道欽此

道光九年五月二十六日

上諭內外各衙門題奏事件遇有地名字面理應遵照全寫如熱河但稱爲熱多倫諾爾但稱爲諾烏魯木齊祇稱爲烏順天府卽稱爲順從前乾隆嘉慶年間歷經

聖諭訓飭並載入則例凡遇地名字面不得奏用省文該衙門自宜永遠恪遵本日據札隆阿等奏請將餘糧著改折色摺內葉爾羌書寫葉城並有阿烏喀三城字樣實屬簡奏不成文理著再行通諭各衙門嗣後於應載地名字様務道定倘全行書寫斷不可任聽幕友胥吏祇圖省文

於體制有乘欽此

道光十一年

上諭朕本年閱看三旗侍衛弓箭因思我朝自發祥以來
列祖垂訓八旗兵丁均以弓箭爲重必應永遠遵行於平時
訓誨練習使知激勸方足以成勁旅而資捍衛現在八旗
都統副都統均係朕宗支親屬及信任大臣如果認真整
頓俾兵丁咸能得力卽養育兵閑散人等亦均知所觀感
八旗營務自然日有起色該都統等盡心職守克副倚畀
不獨朕知人善任深爲嘉悅卽都統等亦覺與有光榮近
日承平日久武備漸就廢弛各都統等於挑選披甲時往

往計及兵丁家口並不視弓箭之優劣爲去取殊不知兵
餉之設原以養有用之兵並非養贍貧乏戶口各旗披甲
均有應行練習差使與養育兵之調劑生計者不同顧名
思義自不應以技藝平常庸弱無能者濫行挑補虛糜帑
項且遇缺挑選隨時可以整頓並非另立操演章程何難
實力奉行各省駐防兵丁固須悉心校閱八旗拱衛神京
關係尤重不可不加意講求着通諭八旗都統等嗣後遇
有披甲缺出務當認真考驗必須弓力較強箭有準頭者
方准挑補不得藉口調劑以致有名無實兵力日形軟弱
並著查旗御史於各旗挑選時留心查察如該都統等著

涉瞻徇所挑之兵仍有弓箭平常者卽行據實嚴叅其各
省駐防挑選時並着該將軍等一體遵照均以弓箭爲重
以副朕講明武備訓勵旗人之至意欽此

道光十二年正月

上諭向來盛京五部侍郎及各省將軍都統副都統城守尉
總管等有年班輪替進京之例嗣後著俟到任之日起扣
滿三年奏請陞見俱勿庸年班進京至直隸總督古北口
視督每遇鑾輶巡幸時得以扈從召見其年班進京之例
亦著停止欽此

道光十四年四月初二日

上諭烏爾恭額奏請借項興修滿洲營員衙署一摺浙江杭州乍浦滿洲營駐防衙署係官員棲止辦公之所目上次修葺以後已及十載據該撫查明坍塌屬實自應准予借項修理統計杭州滿洲蒙古各旗八十九員共銀一萬四千二百八十兩著准其照例在於司庫耗羨款內按數借給起緊興修所借之銀候領銀一月後起就各員應得俸銀內均分作八年坐扣歸欵工竣委員驗收造冊報部核銷惟向來修理各省駐防衙署兵房或由督撫或由將軍及副都統具奏辦理未能盡一嗣後遇有駐防衙署兵房應行修理者著該將軍副都統等知照各該督撫確切查

明會同具奏該部知道欽此

道光十四年八月十六日

上諭各直省將軍督撫等遇有應奏事件自應隨時陳奏以免積壓近來萬壽年節等日各省奏章甚少迨數日後紛至沓來轉形擁擠朕日理萬幾縱奏章分集披覽固不憚煩然該將軍督撫等觀望揣摩任意延擱必至漸滋叢脞嗣後各省奏章務須隨遞不得因值萬壽年節等日稍存成見倘仍前拘泥意爲遷就足是不能仰體朕懷殊失核實辦公之道也將此通諭知之欽此

道光十八年五月二十五日

上諭本日據禮部議准四川成都駐防旗學添設廩增額數
已依議行矣各省額設駐防相沿已久立意深遠自應以
箭射清語爲重其中果有文藝優長自當勉加鼓勵而操
練弓馬學習清語是其本業嗣後各將軍於駐防人員務
當飭令認真學習操練俾臻純熟不得拋荒本業毋負朕
詔誥訓誠之至意欽此

道光十八年七月十九日

上諭本日據步軍統領衙門奏拿獲職官吸食鴉片烟已降
旨將該員革職並將販賣人等交刑部審訊矣吸食鴉片
烟有明禁官民蹈此惡習已屬骯法至於開館引誘設局

營私尤爲可惡該犯等以開設被局爲名顯係販毒賭博
烟土招致無賴誑騙引誘輦轂之下豈容奸匪溷跡亟應
嚴加整頓以挽頽風著步軍統領順天府五城一體認眞
嚴拿有犯必懲毋得疏縱至各省官民人等吸食鴉片在
所不免開館設局者亦所必有著各直省將軍督撫等飭
屬嚴密訪查一經報部立卽懲辦其省會地方商旅輻輳
該奸匪等開館牟利更所難免尤當加意捕察驅逐淨盡
以祛積習而禁兇頑將此通諭知之欽此

道光十八年八月二十五日

上諭德楞額奏礮位成造未能如式請著賠另造一摺抬礮

之設原期及遠茲據德楞額查明荊州所製抬礮每尊祇重二十餘斤打靶不過一百餘弓稍遠卽難命中著准其咨行陝甘總督借礮一尊並熟諳匠役一二名赴楚以便該樣成造至所稱原造之五十六尊與鳥鎗一體操演之處轉恐有名無實此次添製抬礮三十尊是否可將原造五十六尊銷燬改造與甘省河州式樣相符着該將軍酌量辦理所有前任將軍德克金布等從前用過銀四百八十兩着卽照數分賠以備此次工料鑪火之用免其造開報銷餘着照所議辦理該部知道欽此

道光二十二年六月十四日

諭祿普等奏荊州大隄冲決郡城被淹一摺據稱萬城以上之吳家橋地方水閘沖開並萬城下十餘里上漁埠頭大隄被水冲決直冲郡城西門致江水灌進城內多被淹浸等語荊江大隄爲閩府田廬保障現因江水陡發兵民人等猝被淹浸亟應分別撫卹着裕泰等迅委委員前往查勘一面將被水兵民卽給日糧勿令一夫失所一面將應修隄工城垣趕緊修築以禦伏汎至荊州隄工屢經動項修築何以一週歲未卽有衝決之事着裕泰查明歷任承修各員據實奏將此通諭知之欽此

道光二十三年四月二十一日

上諭前據載銓等奏擬將庫支各款減平兌放原爲撙節經費起見當經降旨准行惟念兵餉一項爲該兵丁等計口授食之需近復疊降諭旨勤加訓練若照該王大臣所議雖減數無多而兵力未免支絀非所以示體卹所有京內京外各旗營及直省額設兵丁應領錢糧仍着照舊一體支放毋庸酌減以示朕優加矜恤之至意該兵丁等務當力圖自效悉成勁旅用備干城之選朕實有厚望焉將此通諭知之欽此

道光二十三年閏七月十四日

上諭國家分設八旗兵丁駐防各省立意至爲深遠嗣因生

昔日繁披甲名糧例有定額勢不能概令食糧當事各弁兵子弟亦有讀書向上通曉文藝者聽其應試以廣地取之階所以造就人材體恤旗僕者無微不至但恩入旗根本騎射爲先清語尤其本業至兼習漢文亦取其文義精通便於繙譯乃近年以來各駐防弁兵子弟往往驚於虛名浮華相尚遂至輕視弓馬怠荒武備其於應習之清語視爲無足重輕甚至不能曉解朕恭閱嘉慶五年

皇考諭旨各省駐防人等准於該省考試文生原係於伊等

格外

恩施若專務此而廢其清語騎射卽停止此例不准考試亦

局應該俟清語騎射演習熟練時方准考試等因欽此仰
見我

皇考聖慮周詳

詔諭諺語之至意因思清語騎射全在該管大臣官員等平
日盡心訓飭操演而弁兵子弟亦必令藉此進身方能益
加勸勉現在武閥鄉試各省駐防一體與考應試之人弓
馬如果熟嫻不患無登進之路其應文試者必應試以經
誥庶不至專習漢文轉荒本業除本科各省文鄉試仍照
例准其應考外嗣後各處駐防俱著改應編譯考試俾有
志上進者咸知非熟習清文不能倖邀拔擢自必爭相磨

勵日益精勤其各該將軍副都統尤宜隨時訓練查核未
施毋得視為具文因循積習以副朕崇實黜浮之意其考
試一切章程及繙譯童試進額鄉會試中額應如何酌定
之處著軍機大臣會同該部悉心詳議具奏將此遍諭知
之欽此

道光二十四年四月十六日

諭現在各省駐防旗人一體改試繙譯其已中之文舉人
因未與文闈會試遂議定不准大挑惟念該舉人別無進
身之階未免向隅著各該將軍副都統城守尉等於名該
駐防前經中式之文舉人科分在近三科以前例准大挑

者詢明情願赴挑卽由該將軍等給咨送部均令於本年九月內到京聽候欽派王大臣照例大挑如有不願赴挑者仍聽其便該部知道欽此

道光二十四年七月二十六日

上諭恒通等奏荆江泛漲郡城被淹並水勢漸退情形一摺據稱荊州李家埠堤身漫溢成口刷寬十數丈旋將西門閘板肢斷水向城內灌注界城沖倒淹及滿洲城水勢散漫軍械人口先期移避該將軍等飭屬巡防數日水漸退出城垣多有塌陷官兵房間倒塌甚多現飭搶堵補修等語江水現雖消退秋汎在即急宜先事豫防滿洲城被水

浸泡之處城垣房屋亟須修葺其被災兵丁應撫卹者兩量撫卹均著確切查明詳細具奏將此諭令知之欽此

道光二十四年十月二十七日

上諭前因湖北荊江水漲荊州府滿洲城被水淹浸房屋倒塌亟宜修葺降旨令確切查明分別估計衙署兵房共需銀一萬六千二百二十六兩零除停借房銀七千三百八十九兩零外尙不敷銀八千八百三十七兩零着准其仿照成案於湖北藩庫存剩滿洲營馬價銀內動撥分別借給該官兵等俾得及時修葺所借銀兩仍照前案按季按月統作五年扣還將借出銀兩及所修房間數

目分晰造冊咨部其被水之公所堆撥僅須粘補估需銀三百二十四兩准其卽於每年獎賞兵丁技勇優長銀內如數動撥歸欵於年終題銷欵內聲明毋庸另行報部核銷餘着照所議辦理該部知道欽此

道光三十年六月

上諭安徽按察使李本仁奏請訓練以作士氣等語國家設兵衛民兵有定額原期餉不虛糜各將軍督撫提鎮等果能訓練於平時何至徵調不能得力如該臬司所奏各省兵餉不無扣剋攤派供應之弊額兵之中又多各項差使各營員署內工匠僕役均占兵糧應操之兵卒皆兼差使

販其不能專意講求武備已可概員著通諭各省將軍督
撫提鎮等認真校閱督飭所屬將弁隨時查察汰其老弱
革其冗濶尤在抽練精壯勤加訓演使各營皆有選鋒勁
旅平時甘苦與共臨事指臂相聯不致徒耗兵糧無裨實
用庶足挽頽風而振士氣倘仍不振作甘蹈相沿惡習一
經訪聞得實定將該管官從嚴懲辦不貸勿謂言之不豫
也欽此

咸豐元年五月二十二日

上諭前據黑龍江副都統清安奏請名省駐防修製鳥鎗並
滿營挑放各官缺考驗烏第一摺交各駐防將軍等查議

先後覆到茲據兵部會同八旗都統核議具奏駐防兵丁以騎射爲根本並演習火器歷來辦理自有舊章准在實力訓練隨時演放無懈悉成勁旅正不在變更成法從事虛文所有各該駐防挑選領催前鋒委官旣據該將軍等奏稱考驗弓馬兼看鳥鎗卽着各按本處酌定章程責成認真辦理務令器械精良適用勤加敎演施放有準不得日久生懈其總管協領以下驍騎校以上卽於保送到旗時由該旗考驗步射騎射後帶領引見稱放若加以考驗鳥鎗諸多鑑覽倘驗不合式必致駁改遞延使續缺擇補現以照用房左右兩司有辦事之責勢難添置鳥鎗協領

等官須擇精練營務弓馬嫻熟之員並曾經出師著有勞
績者均堪揀選補放更難概令練習火器現在京城八旗
及各省駐防所操陣式之法本極周備總在該管大臣平
日實心教練自能一律精純與其徒議更張不如仍循舊
制所有各駐防旗員勒限演習及來京考驗帶加看施放
鳥鎗之處著勿庸議至期滿卓異等項官員由兵部考驗
帶領引見者亦卽照八旗所議畫一辦理再上年兵部議
准光祿寺卿許乃普條奏各省陸路武職到京考驗兼看
火鎗予限自咸豐二年起一體練習因思綠營與旗營事
同一律考驗未便兩歧嗣後綠營除水師人員赴部仍閱

看金礮外其陸路武職到京仍照舊制考驗毋庸兼看火
鎗以歸盡一條依議欽此

咸豐元年七月二十二日

上諭前因兩江總督陸建瀛奏請崇正學以黜邪教當經降
旨請令各省地方課士授徒均以

術業性理精義

聖諭廣朝爲講習之本良由士爲民倡士習端則民風自歸
清正近年兩廣盜賊肆行據奏多係會匪煽惑鄉曲愚氓
留聞異說致罹法網朕甚憫焉因思正人心必先息邪說
息邪說必先廣化導恭讀

上考宣宗成皇帝欽定敬闡

聖諭廣訓黜異端以崇正學一條四言韻文語簡意賅允足
警覺冥頑俾知感悟從前曾奉

諭旨頒行直省大小官吏自必敬謹奉行第恐日久視爲具
文而窮鄉僻壤又未能家置一編人人講習茲特親書一
通命武英殿勒石堦印頒行天下各直省將軍督撫府尹
學政督飭地方文武官員及各學敎官欽遵宣布無論官
紳士庶均准摹勒刊刻以廣流傳俾山陬海澨鄉塾顓蒙
口誦心維滌瑕盪穢咸曉然於名教之可樂邪說之難容
父師以是爲敎子弟以是爲守正道旣明羣情不惑一切

誕妄之言無從煽誘薄海蒼黎涵濡

聖化風俗蒸蒸日上朕實有厚望焉將此通諭中外知之欽此

咸豐二年七月十六日

上諭現在湖南軍務未竣賊蹤竄擾靡定各路帶兵攻勦需
封孔亟因恩滿漢各營中豈乏材技出眾足備干城之選
者或因官職較卑限於資格無由及時自効殊爲可惜着
各該將軍都統督撫等留心簡練隨時考察自鎮將以下
無諭官職大小有謀勇兼裕或才力堪任折衝禦侮者卽
行據實保奏候朕簡用其鄰近湖南省分如保奏之員可

資軍營差遣卽奏明請旨飭令該員前赴軍營聽候公差
大臣等酌量委用該將軍等其慎遴選毋濫毋遺用副朕
整軍經武之至意欽此

咸豐四年四月

上諭八旗人員騎射清文是其本務卽使於清文義理不能
精通亦豈有不曉清文不識清字遂得自命爲旗人之理
道光間特奉

諭旨停止駐防文試專考繙譯以期反樸還淳俾我八旗子
弟咸知本業乃近日八旗人員仍有專習漢文於清語清
字全不講求沾染習氣徒務虛文實堪痛恨嗣後無論何

邦リ馬リノ方ニテ
項出身人員均宜練習清文通曉講解卽由文鄉會試入
仕之員及兵丁子弟亦應一體練習不准怠惰偷安以誤
根本欽此

咸豐五年二月

上諭官文等奏銷除旗檔官兵隨征出力懇請恩施等語荆
州駐防綠事銷檔旗兵自上年投效軍營隨同防堵此項
跟隨副都統貴陞在岳家口遇賊接仗復有傷亡頗知愧
奮加恩著照所請所有該駐防銷除旗檔及銷除本身旗
檔各兵丁卽著該將軍分別查明打仗出力者准其本身
免銷旗檔其遇賊陣亡者准其子孫仍歸旗檔補糧當差

上諭巴揚阿奏神靈助順請頒給匾額一摺咸豐四年間賊犯荊州龍會橋官軍以少勝多轉危爲安據奏實賴

關帝神靈默佑覽奏實深寅感著南書房翰林恭書匾額一方頒給巴揚阿祇領敬謹懸掛荊州府城

關帝廟用谷神庶欽此於五月十七日奉到

御書匾額一方文曰

靖邊綏遠

同治三年十月十九日

上諭穆國善奏吉林荊州官兵前經調赴湖北安徽陝西等處軍營勦賊出力迭經奏保以協佐等缺儘先補用本城

所出之缺未能挑列拔補請飭照黑龍江章程輪補等語
此項人員現隨穆圖善出關勦賊着景綸麟瑞巴揚阿按
照黑龍江之出征馬隊奏定章程遇有協領佐領防禦驍
騎校等缺出以一缺送營以一缺留城相間拔補欽此

同治四年十月十七日

上諭巴揚阿奏捐製軍械等語荊州旗兵前往江寧防所需
用軍械經巴揚阿率同協領全瑞等捐造鳥鎗一千桿分
給旗兵帶往防所尙屬急公荊州將軍巴揚阿協領全瑞
佐領斐齡阿防禦吉亮驍騎校炳升均着交部議敘甲兵
候差等着該將軍酌量核給獎勵餘着照所議辦理該部

知道欽此

同治七年七月十七日

上諭昨據毛昶熙奏軍務漸平宜益思寅畏等語當因其剴
切敷隙虛懷嘉納宣示中外臣工妥籌善後以期與民休
息茲復據御史張緒揩奏請保泰持盈及時講學一摺與
毛昶熙前奏均屬方今要務現在捻逆雖已肅清陝甘雲
貴等首軍務方殷河患未平庫儲未裕流亡未復物產未
豐正我吾臣交相咨儆之時朕親奉兩宮

皇太后懿訓憂勤惕厲軫念時艱典學親師講求治道大學
士倭仁等當盡心啟沃裨益朕躬軍機大臣恭親王等亦

官號暢同深彌勤贊盡其各部院臣工均有官守言責並
當精白乃心實事求是各督撫將軍府尹等身膺重寄尤
不可以軍務漸平於察吏安民及興利除弊諸事宜稍形
疏懈總期力戒因循同求上理以收長治久安之效朕實
有厚望焉特此通諭知之欽此

同治八年二月初八日

諭前因翰林院代奏編修吳鴻恩呈稱表揚節孝請歸學
政主稿一摺當經降旨交禮部議奏茲據奏稱學政衙門
主稿不若督撫辦理妥速請仍照舊章毋庸議改等語表
揚節孝風化攸關自應及早辦理以免積壓稽遲嗣後各

直省督撫務當飭各州縣於應行旌表節孝取有供結限
一月內徑詳督撫學政會同具題如有逾限卽著將失察
之員隨本附添交部議處餘依議欽此

同治八年四月十八日

上諭御史袁方城奏忠義卹典請歸地方官舉辦不必言官
瀆奏一摺近來被兵各省分殉難紳民婦女由科道陳奏
請歸原因該言官等事闕本籍見聞較確是以一經奏請
朝廷立沛恩施惟表揚忠節係地方官應辦之事著各直
省督撫查明賊擾地方如有臨危授命大節無虧者卽隨時彙案奏請旌卹不得任聽屬員延擱不辦致有書吏需

索情事至言官果有採訪確實仍准隨時奏請但不得稍涉口濫將此通諭知之欽此

同治九年十二月十三日

上諭桂清奏請嚴密繙譯鄉會試及考試拔貢關防一摺繙
譯鄉會試及考試八旗拔貢均係國家掄才大典如該侍
郎所奏近日考試繙譯歸併文場關防不能嚴密士子專
占一號即不免有代倩等第且士子十六日出場十八日
始行奏派閱卷十七日一日竟無關防亦難保無請託情
事至考試八旗拔貢卷面雖揭浮簽仍將佐領之名註於
卷面之下殊不足以昭慎密著自明年會試起繙譯鄉會

試均改復舊制其考試八旗拔貢並著自同治癸酉科始由部頒發卷面字式永遠遵行以重關防而杜弊竇欽此

同治十年正月二十一日

上諭巴揚阿等奏移撥江寧駐防官兵辦理情形一摺據稱
荊州移撥江寧駐防官兵五百九十餘員名於正月起程
該協領等官安土重遷倍形艱窘若以部議借支半年俸
銀實屬不敷等語着照所請准其再行加借半年俸銀一
併照例扣還以示體恤餘着照所議辦理該部知道欽此